

Lajčak i Gregorian se susreli sa Esmom Palić



«Provođenje pravde u slučajevim ratnih zločina zauzima prioriteto mjesto u našem programu rada», izjavio je danas visoki predstavnik tokom susreta sa Esmom Palić. «Ne možemo dozvoliti organima vlasti ove zemlje da izbjegavaju provedbu sudskih odluka, ili ne ispunjavaju svoju dužnost u kažnjavanju ratnih zločina i poštivanju ljudskih prava».

Esma Palić, supruga pukovnika Avde Palića koji je nestao u julu 1995.god., susrela se danas sa visokim predstavnikom, Miroslavom Lajčakom, i prvim zamjenikom visokog predstavnika, Raffi Gregorianom. Gopođa Palić i prvi zamjenik visokog predstavnika razgovarali su o napretku vezanom za njen slučaj koji se nalazi pred Evropskim sudom za ljudska prava u Strasbourgu, te o pokušajima da se lociraju posmrtni ostaci pukovnika Avde Palića. Prvi zamjenik visokog predstavnika obavijestio je gospođu Palić o naporima koje ulaže OHR da se pred lice pravde izvedu preostali haški bjegunci te da se razbiju mreže njihovih pomagača.

«Gospođa Palić je čekala suviše dugo,» izjavio je prvi zamjenik visokog predstavnika. «Vlada RS nije ispunila pravne obaveze da locira posmrtnu ostatku pukovnika Palića, da odgovorne za njegovu smrt izvede pred lice pravde, te da preduzme mjere protiv onih ljudi koji su opstruirali ovu istragu.»

Vlada RS još uvijek treba da u potpunosti provede Odluku Doma

za ljudska prava u slučaju Palić iz 2001.god., kojom se organi vlasti RS zadužuju da provedu punu istragu činjenica vezanih za nestanak pukovnika Palića, da one koji su odgovorni izvedu pred lice pravde, te da posmrtno ostatke pukovnika Palića predaju gospođi Palić.

Iznalaženje rješenja za ovaj slučaj je ometeno činjenicom što su pojedinci koji su očigledno vezani za slučaj Palić i dalje nedostupni, u Srbiji.

U svom obraćanju Parlamentu BiH 6. septembra, visoki predstavnik je najavio novu inicijativu koja će zemlji omogućiti da ispuni i riješi zahtjeve pravosuđa. Od organa vlasti BiH će se očekivati da dozvoli Tužilaštvu BiH da sklapa bilateralne sporazume sa susjednim zemljama o razmjeni dokaza i informacija o slučajevima ratnih zločina, u kojima bi osumnjičeni mogli biti locirani u Srbiji, Hrvatskoj ili Crnoj Gori.

«Očekujem da će nadležni organi vlasti u BiH pokazati da imaju političku volju da smanje široko rasprostranjenu nekažnjivost koju uživaju mnogi ratni zločinci,» rekao je visoki predstavnik. «Ovo je obaveza u skladu sa Daytonskim mirovnim sporazumom», zaključio je visoki predstavnik.